

Գլխավոր տեղեկություն

Համար	N 1417-Ն
Տիպ	Որոշում
Ակտի տիպ	Պաշտոնական հսկողություն (12.11.2023-մինչ օրս)
Կարգավիճակ	Գործում է
Սկզբնաղբյուր	ՀՀՊՏ 2009.12.23/65(731) Հոդ.1421
Ընդունող մարմին	ՀՀ կառավարություն
Ընդունման ամսաթիվ	03.12.2009
Ստորագրող մարմին	ՀՀ վարչապետ
Ստորագրման ամսաթիվ	11.12.2009
Ուժի մեջ մտնելու ամսաթիվ	02.01.2010

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**Ո Ր Ո Շ ՈՒ Մ**

3 դեկտեմբերի 2009 թվականի N 1417-Ն

**ՓԱԽՍՏԱԿԱՆԻՆ, ԻՆՉՊԵՍ ԵՎ ԶԱՂԱՔԱԿԱՆ ԱՊԱՍՏԱՆԻ ԻՐԱՎՈՒՆՔ ՍՏԱՑԱԾ ԱՆՁԻՆ
ՏՐՎՈՂ ԿՈՆՎԵՆՑԻՈՆ ՃԱՍՓՈՐԴԱԿԱՆ ՓԱՍՏԱԹՐԹԻ ՆԿԱՐԱԳԻՐԸ ԵՎ ՓԱՍՏԱԹՐԹԻՐԸ ՏԱԼՈՒ
ԿԱՐԳԸ ՀԱՍՏԱՏԵԼՈՒ ՄԱՍԻՆ
(վերնագիրը լրաց. 01.03.12 N 219-Ն)**

«Փախստականների և ապաստանի մասին» Հայաստանի Հանրապետության օրենքի 30.1-ին հոդվածի 7-րդ մասին և 33-րդ հոդվածի 1-ին մասի 4-րդ ենթակետին և «Զաղաքական ապաստանի մասին» Հայաստանի Հանրապետության օրենքի 7-րդ հոդվածի 3-րդ մասին համապատասխան՝ Հայաստանի Հանրապետության կառավարությունը **որոշում է.**

(նախաբանը լրաց. 01.03.12 N 219-Ն, փոփ. 02.11.23 N 1880-Ն)

1. Հաստատել՝

1) փախստականին, ինչպես նաև քաղաքական ապաստանի իրավունք ստացած անձին տրվող կոնվենցիոն ճամփորդական փաստաթղթի նկարագիրը՝ համաձայն N 1 հավելվածի:

2) փախստականին, ինչպես նաև քաղաքական ապաստանի իրավունք ստացած անձին տրվող կոնվենցիոն ճամփորդական փաստաթուղթը տալու կարգը՝ համաձայն N 2 հավելվածի:

(1-ին կետը լրաց. 01.03.12 N 219-Ն)

2. Հայաստանի Հանրապետության կառավարությանն առընթեր Հայաստանի Հանրապետության ոստիկանության պետին՝ մինչև 2012 թվականի հունվարի 24-ը ապահովել Հայաստանի Հանրապետությունում փախստականի կարգավիճակ կամ ժամանակավոր ապաստան ստացած անձանց համապատասխանաբար փախստականի և ժամանակավոր ապաստանի վկայականների փոխարինումը փախստականին տրվող կոնվենցիոն ճամփորդական փաստաթղթով:

(2-րդ կետը փոփ. 07.07.11 N 939-Ն)

3. Ուժը կորցրած ճանաչել Հայաստանի Հանրապետության կառավարության 1999 թվականի նոյեմբերի 20-ի «Հայաստանի Հանրապետությունում փախստականի վկայական և

ճամփորդական փաստաթուղթ տալու կարգերը և դրանց նկարագրերը հաստատելու մասին» N 695 որոշումը:

3.1. Ուժը կորցրած ճանաչել Հայաստանի Հանրապետության կառավարության 2003 թվականի մարտի 20-ի «[Հայաստանի Հանրապետությունում քաղաքական ապաստանի իրավունքի վկայական և ճամփորդական փաստաթուղթ տալու կարգերն ու դրանց նկարագրերը հաստատելու մասին](#)» N 282-Ն որոշումը:

(3.1-ին կետը լրաց. 01.03.12 N 219-Ն)

4. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության
վարչապետ**

Տ. Սարգսյան

2009 թ. դեկտեմբերի 11
Երևան

Հավելված N 1
ՀՀ կառավարության 2009 թվականի
դեկտեմբերի 3-ի N 1417-Ն որոշման

Ն Կ Ա Ր Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՓԱԽՍՏԱԿԱՆԻՆ, ԻՆչԱԿԵՆ ՆԱԽ ԶԱՊԱՐԱԿԱՆ ԱՊԱՏԱՆԻ ԻՐԱՎՈՒՆՔ ՍՏԱԳԱԾ ԱՆՃԻՆ ՏՐՎՈՂ ԿՈՆՎԵՆՑԻՆ ԶԱՄՓՈՐԴԱԿԱՆ ՓԱՍՏԱԹՐԹԻ (վերնագիրը լրաց. 01.03.12 N 219-Ն)

1. Հայաստանի Հանրապետությունում փախստականին, ինչպես նաև քաղաքական ապաստանի իրավունք ստացած անձին տրվող կոնվենցիոն ճամփորդական փաստաթուղթը (այսուհետ՝ փաստաթուղթ) 88 x 125 մմ չափսի, 32 էջից բաղկացած՝ փախստականի, ինչպես նաև քաղաքական ապաստանի իրավունք ստացած անձի անձը հաստատող փաստաթուղթ է:

(1-ին կետը լրաց. 01.03.12 N 219-Ն)

2. Փաստաթղթի բովանդակությունը կազմող բոլոր կետերը տպագրվում են հայերեն, անգլերեն և ռուսերեն:

3. Փաստաթղթի շապիկը կապույտ գույնի է: Շապիկի երեսի վերևի ծախ անկյունը 45 աստիճան թեքությամբ երիզվում է միմյանցից 10 մմ հեռավորությամբ և 3 մմ հաստությամբ երկու գծով: Շապիկի երեսի վերևի մասում տպագրվում են «ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ» բառերը: Շապիկի կենտրոնում պատկերվում է Հայաստանի Հանրապետության զինանշանը: Շապիկի ներքևի մասում տպագրվում են «ԶԱՄՓՈՐԴԱԿԱՆ ՓԱՍՏԱԹՐԹԻ (1951 թ. ՀՈՒԼԻՍԻ 28-Ի ԿՈՆՎԵՆՑԻԱ)» բառերը:

4. Փաստաթղթի շապիկի հաջորդ էջում գրվում է՝

«ՍՈՒՅՆ ՓԱՍՏԱԹՐԹԻԹԸ ՏՐՎԱԾ Է ՆՐԱ ՏԻՐՈՋԸ ԶԱՄՓՈՐԴԱԿԱՆ ՓԱՍՏԱԹՐԹԻ ԾՆՈՐՀԵԼՈՒ ՆՊԱՏԱԿՈՎ, ՈՐԸ ԿԱՐՈՂ Է ԾԱՌԱՅԵԼ ԱԶԳԱՅԻՆ ԱՆՁՆԱԳՐԻ ՓՈԽԱՐԵՆ»:

«ՍՈՒՅՆ ԶԱՄՓՈՐԴԱԿԱՆ ՓԱՍՏԱԹՐԹԻԹԸ ԿՐՈՂԻՆ ԹՈՒՅԼԱՏՐՎՈՒՄ Է ՎԵՐԱԴԱՌՆԱԼ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ՝ ՄԻՆՉԵՎ ՓԱՍՏԱԹՐԹԻ ՎԱՎԵՐԱԿԱՆՈՒԹՅԱՆ ԺԱՄԿԵՏԻ ԱՎԱՐՏԸ»:

«Եթե ՍՈՒՅՆ ԶԱՄՓՈՐԴԱԿԱՆ ՓԱՍՏԱԹՐԹԻ ՏԵՐԸ ՕՐԻՆԱԿԱՆ ԿԱՐԳՈՎ ԲԼԱԿՈՒԹՅՈՒՆ ՀԱՍՏԱՏԻ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՑ ԴՈՒՐՄ՝ ԱՅԼ ԵՐԿՐՈՒՄ, ԵՎ ՑԱՆԿԱՆԱ ԱՅԴ ԵՐԿՐԻՑ ԿՐԿԻՆ ԶԱՄՓՈՐԴԵԼ, ԱՊԱ ՆԱ ՆՈՐ ԶԱՄՓՈՐԴԱԿԱՆ ՓԱՍՏԱԹՐԹԻ ՍՏԱՆԱԼՈՒ ՀԱՄԱՐ ՊԵՏՔ Է ԴԻՄԻ ՆՈՐ ԲԼԱԿՈՒԹՅԱՆ ԵՐԿՐԻ ԻԾԽԱՆՈՒԹՅՈՒՆՆԵՐԻՆ: ՆՈՐ ՓԱՍՏԱԹՐԹԻ ԾՆՈՐՀՈՂ ԵՐԿՐԻ ԻԾԽԱՆՈՒԹՅՈՒՆՆԵՐԸ ՊԵՏՔ Է ՀԵՏ ՎԵՐՑՆԵՆ ՍՈՒՅՆ ՓԱՍՏԱԹՐԹԻԹԸ ԵՎ ՎԵՐԱԴԱՐՁՆԵՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԻԾԽԱՆՈՒԹՅՈՒՆՆԵՐԻՆ»:

5. Փաստաթղթի 1-ին էջի վերևի մասում տպագրվում են «ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ» բառերը: Կենտրոնում պատկերվում է Հայաստանի Հանրապետության զինանշանը, իսկ ներքևում տպագրվում են «ԶԱՄՓՈՐԴԱԿԱՆ ՓԱՍՏԱԹՐԹԻ (1951 թ. ՀՈՒԼԻՍԻ 28-Ի ԿՈՆՎԵՆՑԻԱ)» բառերը:

6. Փաստաթղթի 2-րդ էջի ներքևի մասում տպագրվում են «ՓԱՍՏԱԹՐԹԻ ՏԻՐՈՋ ՍՏՈՐԱԳՐՈՒԹՅՈՒՆԸ» բառերը:

7. Փաստաթղթի 3-րդ էջի վերևի մասում տպագրվում են «ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ» բառերը, իսկ էջի ծախ մասից, ըստ հերթականության՝ «ԶԱՄՓՈՐԴԱԿԱՆ ՓԱՍՏԱԹՐԹԻ», «ՏԻՊ», «ԿՈՂ», «ՓԱՍՏԱԹՐԹԻ N», «ԱԶԳԱՆՈՒՆԸ», «ԱՆՈՒՆԸ», «ԵՐԿՐԻԸ», «ԾՆՎԵԼ Է», «ՍԵՌԸ», «ԾՆՆԴԱՎԱՅՐԸ», «ՏՐՎԵԼ Է», «ՎԱՎԵՐԱԿԱՆ Է ՄԻՆՉԵՎ» և «ՈՒՄ ԿՈՂՄԻՑ» բառերը: Էջի ներքևի ծախ մասում տեղ է հատկացվում փաստաթուղթ ստացող փախստականի, ինչպես նաև քաղաքական ապաստանի իրավունք ստացած անձի՝ 35 x 45 մմ չափսի գունավոր լուսանկարի համար:

(7-րդ կետը լրաց. 01.03.12 N 219-Ն)

8. Փաստաթղթի 4-րդ էջում տպագրվում են «ՓԱՍՏԱԹՐԹԻ ՎԱՎԵՐԱԿԱՆՈՒԹՅԱՆ ԺԱՄԿԵՏԸ ԵՐԿԱՐԱԶԳՎԱԾ Է» բառերը:

9. Փաստաթղթի 5-րդ էջում տպագրվում են «ՍՈՒՅՆ ՓԱՍՏԱԹՐԹԻԹԸ ՎԱՎԵՐԱԿԱՆ Է ԲՈԼՈՐ ՊԵՏՈՒԹՅՈՒՆՆԵՐՈՒՄ» բառերը, և դրվում է Հայաստանի Հանրապետության զինանշանի

պատկերով կլոր կնիք:

10. Փաստաթղթի 6-րդ և 7-րդ էջերի վերևի մասում տպագրվում է «ԵՐԵՒԱՆԵՐԸ» բառը: Նշված էջերից յուրաքանչյուրի վրա տեղ է հատկացվում երկու երեխայի՝ 35 x 45 մմ չափսի գունավոր լուսանկարները փակցնելու և նրանց տվյալները լրացնելու համար, իսկ յուրաքանչյուր լուսանկարի համար հատկացված տեղից ներքև տպագրվում են «ԱԶԳԱՆՈՒՆԸ», «ԱՆՈՒՆԸ», «ԾՆՎԵԼ Ե» և «ՍԵՌԸ» բառերը:

11. Փաստաթղթի 8-րդ և 9-րդ էջերի վերևի մասում տպագրվում է «ՆՇՈՒՄՆԵՐ» բառը:

12. Փաստաթղթի 10-32-րդ էջերի վերևի մասում տպագրվում է «ՎԻԶԱ» բառը:

13. Փաստաթղթի 8-32-րդ էջերի ներքևի մասում տպագրվում են «1951 Թ. ՀՈՒՄԻՍԻ 28-Ի ԿՈՆՎԵՆՏԻԱ» բառերը:

14. Փաստաթղթի 1-ին, 5-րդ, 9-րդ և այնուհետև կենտ թվերով համարակալված էջերի ներքևի մասում տպագրվում են փաստաթղթի սերիան և համարը:

(14-րդ կետը խմբ. 18.03.10 N 317-Ն)

15. Փաստաթղթի շապիկի վերջին էջի ներսի կողմում տպագրվում են «ՍՈՒՅՆ ՃԱՄՓՈՐԴԱԿԱՆ ՓԱՍՏԱԹՐԹԻ ՏԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՍՏԱՑԵԼ Ե ՓԱԽՍՏԱԿԱՆԻ ԿԱՐԳԱՎԻՃԱԿ ԵՎ ԱՊԱՍԱՆ», «ՍՈՒՅՆ ՃԱՄՓՈՐԴԱԿԱՆ ՓԱՍՏԱԹՐԹԻ ԸՆԴՀԱՆՈՒՐ ԶԱՅՄԱՆՈՒԹՅԱՆ ՍԵՓԱԿԱՆՈՒԹՅՈՒՆ Ե» և «ՍՈՒՅՆ ՓԱՍՏԱԹՐԹԻ ԸՆԴՀԱՆՈՒՐ ԶԱՅՄԱՆՈՒԹՅԱՆ ԵՎ ԶԵՆՈՒՄ ԶԵՆՈՒՄ ԶԵՆՈՒՄ» բառերը:

(15-րդ կետը փոփ. 01.03.12 N 219-Ն)

16. Փաստաթղթի բոլոր էջերը, բացի 1-ին և 3-րդ էջերից, համարակալված են:

(16-րդ կետը լրաց. 18.03.10 N 317-Ն)

(հավելվածը խմբ., լրաց. 18.03.10 N 317-Ն, լրաց., փոփ. 01.03.12 N 219-Ն)

**Հայաստանի Հանրապետության
կառավարության
աշխատակազմի
ղեկավար**

Դ. Սարգսյան

Հավելված N 2
ՀՀ կառավարության 2009 թվականի
դեկտեմբերի 3-ի N 1417-Ն որոշման

Կ Ա Ր Գ

ՓԱԽՍՏԱԿԱՆԻ, ԻՆՉՊԵՍ ՆԱԵՎ ՔԱՂԱՔԱԿԱՆ ԱՊԱՍԱՆԻ ԻՐԱՎՈՒՆՔ ՍՏԱՑԱԾ ԱՆՁԻՆ ՏՐՎՈՐ ԿՈՆՎԵՆՏԻՈՆ ՃԱՄՓՈՐԴԱԿԱՆ ՓԱՍՏԱԹՐԹԻ ԸՆԴՀԱՆՈՒՐ (վերնագիրը լրաց. 01.03.12 N 219-Ն)

1. Կոնվենցիոն ճամփորդական փաստաթուղթը (այսուհետ՝ փաստաթուղթ) փախստականին տրվում է Հայաստանի Հանրապետության ոստիկանության մարմինների կողմից (այսուհետ՝ ոստիկանություն)՝ Հայաստանի Հանրապետության ներքին գործերի նախարարության միգրացիայի և քաղաքացիության ծառայության (այսուհետ՝ ծառայություն) պետի՝ փախստական ճանաչելու և ապաստան տրամադրելու վերաբերյալ որոշման հիման վրա:

(1-ին կետը փոփ. 18.03.10 N 317-Ն, խմբ. 07.07.11 N 939-Ն, փոփ. 02.11.23 N 1880-Ն)

1.1. Փաստաթուղթը քաղաքական ապաստանի իրավունք ստացած անձին տրվում է ոստիկանության կողմից՝ անձին Հայաստանի Հանրապետությունում քաղաքական ապաստանի իրավունք տալու մասին Հայաստանի Հանրապետության Նախագահի որոշման հիման վրա:

(1.1-ին կետը լրաց. 01.03.12 N 219-Ն)

2. Հայաստանի Հանրապետությունում ապաստանի տրամադրման և փախստական ճանաչելու վերաբերյալ որոշումը ծառայության պետն ընդունում է՝ հիմք ընդունելով ծառայության կողմից ապաստան հայցողի վերաբերյալ նախապատրաստված փաստաթղթերը:

(2-րդ կետը փոփ. 18.03.10 N 317-Ն)

3. Փաստաթուղթը տրվում է Հայաստանի Հանրապետությունում ապաստան ստացած փախստականներին, ինչպես նաև քաղաքական ապաստանի իրավունք ստացած անձանց: Փաստաթուղթ կարող է տրվել նաև մինչև 16 տարեկան այն փախստականին, որի ծնողները Հայաստանի Հանրապետությունում ապաստան ստացած փախստական չեն:

(3-րդ կետը լրաց. 01.03.12 N 219-Ն, 23.10.13 N 1147-Ն, փոփ. 02.11.23 N 1880-Ն)

4. Մինչև 16 տարեկան՝ առանց ուղեկցողի կամ ընտանիքից անջատված փախստականներին տրամադրվում է փաստաթուղթ, որը չի կարող օգտագործվել առանց խնամակալի կամ հոգաբարձուի համաձայնության: Քաղաքական ապաստանի իրավունք ստացած անձի՝ մինչև 16 տարեկան երեխաներին տրամադրվում է փաստաթուղթ, որը չի կարող օգտագործվել առանց ծնողների համաձայնության:

(4-րդ կետը խմբ. 01.03.12 N 219-Ն)

5. Փաստաթուղթը վավերական է երկու տարի, որից հետո ոստիկանությունը փախստականի դիմումի հիման վրա յուրաքանչյուր անգամ փաստաթղթի վավերականության ժամկետը երկարացնում է ևս երկու տարով: Քաղաքական ապաստան ստացած անձին տրվող

փաստաթուղթը վավերական է մեկ տարի, որը չի կարող գերազանցել քաղաքական ապաստանի իրավունքի վավերականության ժամկետը: Անձին տրված քաղաքական ապաստանի իրավունքը «Քաղաքական ապաստանի մասին» Հայաստանի Հանրապետության օրենքով սահմանված կարգով յուրաքանչյուր անգամ մեկ տարի ժամկետով երկարաձգվելու դեպքում ուստիկանությունը, քաղաքական ապաստան ստացած անձի դիմումի հիման վրա, յուրաքանչյուր անգամ փաստաթղթի վավերականության ժամկետը երկարաձգում է ևս մեկ տարով:

Փաստաթղթի վավերականության ժամկետն օտարերկրյա պետություններում երկարաձգվում է Հայաստանի Հանրապետության դիվանագիտական ներկայացուցչությունների կամ հյուպատոսական հիմնարկների կողմից: Փաստաթղթի վավերականության ժամկետը կարող է երկարաձգվել նաև, եթե դրա վավերականության ժամկետը լրանալուն մնացել է ոչ ավելի, քան 7 ամիս, իսկ քաղաքական ապաստանի իրավունք ստացած անձի փաստաթղթինը՝ 3 ամիս:

(5-րդ կետը փոփ. 18.03.10 N 317-Ն, փոփ., լրաց. 07.07.11 N 939-Ն, լրաց. 01.03.12 N 219-Ն)

6. Փախստականի ճանաչումը և ապաստանի տրամադրումը, ինչպես նաև քաղաքական ապաստանի իրավունքի տրամադրումը Հայաստանի Հանրապետության օրենսդրությամբ սահմանված կարգով վերջնական չեղյալ հայտարարվելու կամ դադարեցվելու դեպքում դրա մասին տեղեկացվում է ուստիկանությանը՝ փաստաթուղթն անվավեր ճանաչելու համար:

(6-րդ կետը փոփ. 18.03.10 N 317-Ն, խմբ. 07.07.11 N 939-Ն, փոփ. 01.03.12 N 219-Ն)

7. Փաստաթուղթը պատրաստվում է միասնական նմուշով՝ հայերեն, ռուսերեն և անգլերեն:

8. Փաստաթղթում անձի մասին նշվում են հետևյալ տեղեկությունները՝

- 1) ազգանունը, անունը, հայրանունը.
- 2) սեռը.
- 3) ծննդյան վայրը, ամսաթիվը, ամիսը, տարեթիվը.
- 4) քաղաքացիությունը (կամ դրա բացակայությունը).
- 5) հանրային ծառայությունների համարանիշը:

(8-րդ կետը փոփ. 01.03.12 N 219-Ն, լրաց. 05.04.12 N 419-Ն)

9. Փաստաթղթում կարող են կատարվել հետևյալ նշումները՝

1) փաստաթղթի վավերականության ժամկետը երկարաձգելու մասին՝ ուստիկանության, իսկ օտարերկրյա պետություններում՝ Հայաստանի Հանրապետության դիվանագիտական ներկայացուցչությունների կամ հյուպատոսական հիմնարկների կողմից.

2) օտարերկրյա պետություններ ժամանակավորապես մեկնելու և վերադառնալու մասին՝ սահմանային ծառայությունների կողմից.

3) Հայաստանի Հանրապետությունում բնակության վայրի մասին՝ ուստիկանության կողմից.

4) ընտանեկան դրության մասին՝ քաղաքացիական կացության ակտերի գրանցման տարածքային մարմինների կողմից:

(9-րդ կետը փոփ., լրաց. 18.03.10 N 317-Ն, փոփ., լրաց. 07.07.11 N 939-Ն)

10. Արգելվում է փաստաթղթում այլ նշումներ կատարելը:

(10-րդ կետը փոփ. 01.03.12 N 219-Ն)

11. Փաստաթուղթ ստանալու համար ուստիկանություն է ներկայացվում՝

1) դիմում փաստաթուղթ ստանալու մասին.

2) ծառայության պետի որոշումը տվյալ անձին փախստական ճանաչելու մասին կամ Հայաստանի Հանրապետության Նախագահի որոշումը տվյալ անձին քաղաքական ապաստանի իրավունք տրամադրելու մասին.

3) 35 x 45 մմ չափսի 2 լուսանկար (գունավոր):

(11-րդ կետը փոփ. 18.03.10 N 317-Ն, 07.07.11 N 939-Ն, փոփ., խմբ. 01.03.12 N 219-Ն)

11.1. Մինչև 16 տարեկան փախստականի ծնողներից մեկը կամ օրինական ներկայացուցիչը մինչև 16 տարեկան փախստականին տրվող փաստաթուղթն ստանալու կամ փոխանակելու համար ներկայացնում է՝

1) դիմում փաստաթուղթ ստանալու մասին.

2) ծառայության պետի որոշումը մինչև 16 տարեկան անձին փախստական ճանաչելու և ապաստան տրամադրելու մասին.

3) «35 x 45 մմ» չափսի երկու լուսանկար (գունավոր).

4) երեխայի անձնագիրը կամ ծննդյան վկայականը կամ անձը հաստատող այլ փաստաթուղթ.

5) դիմող ծնողի կամ այլ օրինական ներկայացուցչի անձը հաստատող փաստաթուղթը:

Մինչև 16 տարեկան փախստականների փաստաթղթերն ստանում է նրանց ծնողներից մեկը կամ այլ օրինական ներկայացուցիչը կամ նրանց կողմից Հայաստանի Հանրապետության օրենսդրությամբ սահմանված կարգով լիազորված ներկայացուցիչը:

(11.1-ին կետը լրաց. 23.10.13 N 1147-Ն)

12. Փախստականի, ինչպես նաև քաղաքական ապաստանի իրավունք ստացած անձի հետ ճամփորդող յուրաքանչյուր երեխայի համար անհրաժեշտ է ներկայացնել՝

- 1) ծննդյան վկայականը.
- 2) 35 x 45 մմ չափսի 2 լուսանկար (գունավոր):

(12-րդ կետը լրաց. 01.03.12 N 219-Ն)

13. Փաստաթուղթը տրվում է դիմումն ստանալուց հետո հինգ աշխատանքային օրվա

ընթացքում:

(13-րդ կետը փոփ. 07.07.11 N 939-Ն)

14. Փաստաթուղթը փոխանակվում է ոստիկանության կողմից:

(14-րդ կետը փոփ. 18.03.10 N 317-Ն, 07.07.11 N 939-Ն)

15. Փաստաթուղթը կարող է փոխանակվել դրանում պարունակվող տեղեկությունները փոխվելու, գրառումներում անճշտություններ հայտնաբերվելու, օգտագործվելու համար ոչ պիտանի լինելու դեպքում:

16. Անձը փաստաթղթի փոխանակման համար ներկայացնում է փոխանակման ենթակա փաստաթուղթը, սահմանված ձևի դիմում և երկու՝ 35 x 45 մմ չափսի լուսանկար (գունավոր):

(16-րդ կետը փոփ. 01.03.12 N 219-Ն)

17. Անձը, փաստաթղթում որևէ տեղեկություն փոխելու կամ գրառումներում անճշտություններ հայտնաբերելու պատճառով այն փոխանակելիս, ներկայացնում է նաև փոփոխությունները կամ առկա անճշտությունները հավաստող փաստաթուղթ:

(17-րդ կետը փոփ. 01.03.12 N 219-Ն)

18. Անձը փաստաթուղթը կորցնելու դեպքում 10-օրյա ժամկետում դրա մասին հայտնում է ոստիկանությանը, իսկ օտարերկրյա պետություններում՝ Հայաստանի Հանրապետության դիվանագիտական ներկայացուցչությանը կամ հյուպատոսական հիմնարկին:

(18-րդ կետը փոփ. 18.03.10 N 317-Ն, 07.07.11 N 939-Ն, 01.03.12 N 219-Ն)

19. Հայաստանի Հանրապետության քաղաքացիություն ձեռք բերելու կամ այլ պատճառով փախստականի ճանաչումը և ապաստանի տրամադրումը կամ քաղաքական ապաստանի իրավունքը դադարեցվելու դեպքում անձը փաստաթուղթը հանձնում է ոստիկանությանը, իսկ օտարերկրյա պետություններում՝ Հայաստանի Հանրապետության դիվանագիտական ներկայացուցչությանը կամ հյուպատոսական հիմնարկին:

(19-րդ կետը փոփ. 18.03.10 N 317-Ն, 07.07.11 N 939-Ն, լրաց. 01.03.12 N 219-Ն)

20. Օտարերկրյա պետությունում մշտական բնակություն հաստատելու դեպքում անձը փաստաթուղթը հանձնում է Հայաստանի Հանրապետության դիվանագիտական ներկայացուցչությանը կամ հյուպատոսական հիմնարկին:

21. Մահացած անձի փաստաթուղթը հանձնվում է մահվան գրանցումը կատարող մարմնին: Մահվան գրանցման կատարումից հետո փաստաթուղթն ուղարկվում է ծառայություն:

(21-րդ կետը փոփ. 18.03.10 N 317-Ն, 07.07.11 N 939-Ն, 01.03.12 N 219-Ն)

22. Օտարերկրյա պետությունում մահացած անձի փաստաթուղթը հանձնվում է Հայաստանի Հանրապետության դիվանագիտական ներկայացուցչությանը կամ հյուպատոսական հիմնարկին, որն այն հանձնում է ոստիկանությանը:

(22-րդ կետը փոփ. 18.03.10 N 317-Ն, 07.07.11 N 939-Ն, 01.03.12 N 219-Ն)

23. Գտնված փաստաթղթերը հանձնվում են ոստիկանությանը:

(23-րդ կետը փոփ. 18.03.10 N 317-Ն, 07.07.11 N 939-Ն)

24. Փաստաթղթի կորստի, փչացման կամ գողանալու դեպքում ոստիկանությունը, գործը մանրամասն ուսումնասիրելուց հետո, անհրաժեշտության դեպքում, համագործակցելով ծառայության հետ, անձին տրամադրում է նոր փաստաթուղթ՝ նախորդ փաստաթղթի վավերականության ժամկետով: Նոր փաստաթուղթ ստանալու համար անձը ոստիկանություն է ներկայացնում նոր փաստաթուղթ ստանալու մասին դիմում և 2 գունավոր լուսանկար:

(24-րդ կետը փոփ. 18.03.10 N 317-Ն, 07.07.11 N 939-Ն, 01.03.12 N 219-Ն)

25. Կասկածյալների, որոնց նկատմամբ որպես խափանման միջոց է ընտրվել չհեռանալու մասին ստորագրությունը, և մեղադրյալների, որոնց նկատմամբ որպես խափանման միջոց է ընտրվել կալանավորումը, ինչպես նաև ազատագրված դատապարտված անձանց փաստաթղթերը վերցվում են հետաքննության, նախաքննության մարմինների կամ դատարանի կողմից:

(25-րդ կետը փոփ. 01.03.12 N 219-Ն)

26. Խափանման միջոցի վերացման դեպքում՝ կասկածյալների և մեղադրյալների փաստաթղթերը վերադարձվում են տերերին:

27. Պատիժը կրելուց հետո անձին կարող է տրվել նոր փաստաթուղթ՝ սույն կարգով սահմանված ընդհանուր հիմունքներով:

(27-րդ կետը փոփ. 01.03.12 N 219-Ն)

28. Փաստաթուղթը վերցնելը (բացառությամբ սույն կարգի 25-րդ կետում նշված դեպքերի), այլ անձանց հանձնելը և գրավ դնելն արգելվում են:

29. Ոստիկանությունը անձին փաստաթուղթ տալու մասին տեղեկությունները հայտնում է ծառայությանը:

(29-րդ կետը փոփ. 18.03.10 N 317-Ն, 07.07.11 N 939-Ն, 01.03.12 N 219-Ն)

(հավելվածը փոփ., լրաց. 18.03.10 N 317-Ն, փոփ., լրաց., խմբ. 07.07.11 N 939-Ն, 01.03.12 N 219-Ն, լրաց. 05.04.12 N 419-Ն, 23.10.13 N 1147-Ն, փոփ. 02.11.23 N 1880-Ն)

Հայաստանի Հանրապետության
կառավարության
աշխատակազմի
ղեկավար

Դ. Սարգսյան

Փոփոխման պատմություն

Փոփոխող ակտ	Համապատասխան ինկորպորացիան
02.11.2023, N 1880-Ն	12.11.2023, N 1417-Ն
23.10.2013, N 1147-Ն	16.11.2013, N 1417-Ն
05.04.2012, N 419-Ն	01.06.2012, N 1417-Ն
01.03.2012, N 219-Ն	22.03.2012, N 1417-Ն
07.07.2011, N 939-Ն	30.07.2011, N 1417-Ն
18.03.2010, N 317-Ն	17.04.2010, N 1417-Ն

Փոփոխված ակտ

Փոփոխող ակտ

Համապատասխան ինկորպորացիան